

Hylli i Dritës

Ubi Spiritus Domini, ibi libertas.


(II. ad Cor. III. 17).

1. Burrimet e rresës shqyptare	Fq. 105
2. Feudalizmi në Balkan e rrjedhimet e tija nen sundimin Otoman	„ 111
3. Një nga më të mbëdhëjtë shkrimtarë Shqyptarë t' Italisë	„ 117
4. Lahuta e Malcís — <i>Gusija</i>	„ 123
5. Shkaku i termekut në Balkan	„ 131
6. Kosova nder ðoke e bestytiní të veta	„ 134
7. Richarð Wagner në 50vjet. të Dekës së vet	„ 143
8. Të vershuemit	„ 146
9. Biblioteka e „Hyllit“	„ 151
10. Quo Vadis...? — 15.	„ 113

SHKODER

Shtypshkroja Françeskane

1933.

 **O r o e !**

Njatyne **tetë** pajtimtarve qi enë nuk janë ndreqë me administratë t'onen per vjetin 1932, nuk U dergohet ky Numer.

Burrimet e rresës shqiptare.

Çashtja ekonomike sod po trandë të tanë boten, as s'ká kund shtet aq të pasun qi sadopak mos t'a ndiej riskun e krizit financjâr, qi po u a tervlon trût jo veç mâ të vorfenvet, por edhe milionarvet e udhjeksave të popujvet.

Kundrejt ktiij problemit të perbotshem si do të mund t'i a bâjm na Shqyptarët per me i pshtue krizit financjâr? Mbí krye t'onë randon zhvillimi i ktiij problemit të madh e, per pá dashtë me rrëjtë vetin nuk kemi si i hikim.

Verte se me tokë qi na mbeten andej kufijsh, pasunija e gjallnimi i jonë erdh e u kufizue mbrenda nji rrethit, jo vetun të vogel, por edhe të vorfen; verte se Shqyptari nuk ka kapitale per të tregtue me botë, por, të thuesh rron «fito sod e ha sod»; verte edhe se puna e Shqyptarit të sodshem ká vlerë të pakët. Të gjitha kto janë arsye, per të cillat nuk duhet t'a mbajm synin nalt, tue kujtue se fort lehtas na del e na tepron; por me gjithkta sigurisht né na del me rrnue mjaft mirë, po e systemuem rresen nder themele t'arsyeshme t' administratës, të perfitimit e të kursimit.

Per mos me shkue me krye në thes në nji çashtje kaq me randsí, do t'i analyzojm nji ka nji burrimet e gjallnimit t'onë per me mârrë drejtime në systemacjonin e rresës.

Do t'a ngulim mirë në krye na Shqyptarët, se s'ká kah na vjen erë dyshi prej së jashtmi : na s'kemi kund koloní as kapitale të qituna në punë per me pritë prej sish t' ardhuna; dieja e harti kishin me kënë tituj fitimi, por mjerisht na s'kemi per veti, jo mâ me i shitë kuej hart e dituní; dikuer pat kenë puna e dorës, por sod, a per nji shkak e per nji tjetër as kjo nuk na bân pare.

